

四庫全書

史部

欽定四庫全書

續後漢書卷二

宋 蕭常 撰

帝紀二

少帝諱禪字公嗣昭烈皇帝子也建安二十四年昭烈
為漢中王立為王太子及即尊位為皇太子策曰維章
武元年五月辛巳皇帝若曰太子禪朕遭漢運艱難賊
臣篡盜社稷無主格人羣正以天明命朕繼大統今以
禪為皇太子以承宗廟社稷使使持節丞相亮授印綬

敬聽師傳行一物而三善皆得焉可不勉與三年夏四月昭烈崩于永安宮遺詔皇太子曰人五十不稱夭吾年六十有餘何所復恨第以汝兄弟為念射君到說丞相歎卿器量甚大增脩過於所望審能如是吾復何憂勉之勉之勿以惡小而為之勿以善小而不為惟賢惟德能服于人汝父德薄勿效之可讀漢書禮記閒暇歷觀諸子益人意智五月即皇帝位尊皇后曰皇太后大赦天下改元建興孫權遣其立信校尉馮熙來弔牂柯

太守朱褒反益州郡大姓雍闓逐太守張裔於吳據郡
弗賓越雋夷王高定亦叛秋立皇后張氏遣尚書郎鄧
芝如吳

二年春務農殖穀閉關息民夏孫權遣其輔義中郎將
張溫來聘秋曹丕侵吳不克而還

三年春三月丞相亮南征四郡四郡皆平改益州郡為
建寧郡分建寧永昌郡為雲南郡又分建寧牂柯郡為
興古郡十二月亮還成都是歲曹丕侵吳及江而還

四年春都護李嚴自永安還屯江州築大城夏曹丕死
其子叡嗣偽位是歲大司農秦宓卒

五年春將征曹叡詔曰蓋聞天地之道福仁而禍淫善
積者昌惡積者喪古今常數也是以湯武脩德而王桀
紂極暴而亡曩者漢祚中微網漏凶慝董卓首難震蕩
京畿曹操階禍竊執天衡殘剝海內懷無君之心子丕
孤豎敢尋亂階盜據神器更姓改物世濟其凶當此之
時皇極幽昧天下無主則我帝命隕越于下昭烈皇帝

體明睿之德光演文武應乾坤之運出身平難經營四方人鬼同謀百姓與能兆民忻戴建位易號丕承天序補獎興衰存復祖業誕振皇綱不墜于地萬國未靖早世遐徂朕以幼冲繼統鴻基未習保傅之訓而嬰祖宗之重六合壅否社稷不建永惟所以念在匡救光載前緒未有攸濟朕甚懼焉是以夙興夜寐不敢自逸每崇菲薄以益國用勸分務稽以阜民財投方任能以參聽斷絕私降意以養將士欲奮劔長驅以討凶逆朱旗未

舉而不復隕喪斯所謂不燃我薪而自焚也殘類餘醜
又支天禍恣睢河洛阻兵未已諸葛丞相弘毅忠壯忘
身憂國先帝託以天下以勵朕躬今授之以旄鉞之重
付之以專命之權統領步騎二十萬衆董督元戎恭行
天罰除患寧亂克復舊都在此行也昔項籍總一強衆
跨州兼土所務者大然卒敗垓下死於東城宗族如焚
為笑千載蓋不以義陵上虐下故也今賊效尤天人所
怨奉時宜速庶憑炎精祖宗威靈協贊之福所嚮必克

吳王孫權同卹災患潛軍合謀犄角其後涼州諸國王
各遣月支康居胡侯支富康植等二十餘人詣受節度
大軍北出便欲帥將兵馬奮戈先驅天命既集人事又
至師貞勢并必無敵矣夫王者之兵有征無戰尊而且
義莫能抗也故鳴條之役軍不血刃牧野之師商人倒
戈今旂麾首路其所經至亦不欲窮兵極武有能棄邪
從正簞食壺漿以迎王師者國有常典封寵小大各有
品限及曹氏之宗族枝葉中外有能規利害審逆順之

數來降者皆原除之昔輔果絕親于智氏而蒙全宗之福
微子去商項伯歸漢皆受茅土之慶此前世之明驗也
若其沉迷不反將助亂人不式王命戮及妻孥罔有攸
赦廣宣恩威誅其渠魁弔其殘民它如詔書律令丞相
其露布天下使稱朕意焉亮出屯漢中營沔北陽平石
馬是歲放長水校尉廖立于汶山郡

六年春丞相亮帥諸軍攻祁山安南天水安定三郡皆
降關中響震亮使參軍馬謖督諸軍與曹叡將張郃等

戰于街亭謬違亮節度王師敗績亮誅謬以徇冬復出散關圍陳倉斬曹叡將王雙是歲孫權大破曹叡將曹休于石亭

七年春遣將軍陳式攻武都陰平克之因定二郡夏孫權僭號於吳遷于建業遣使來告帝欲討權丞相亮極諫而止秋遣衛尉陳震如吳冬亮徙府營于南山下原上築漢樂二城是時鎮軍將軍趙雲卒

八年秋曹叡使其將曹真由子午谷司馬懿由西城張

郃由斜谷欲寇漢中丞相亮禦之於成固赤阪懿等聞
王師起皆北走鎮北將軍魏延大破曹叡雍州刺史郭
淮于陽谿徙封魯王永為甘陵王梁王理為安平王是
歲輔漢將軍張裔卒

九年春二月丞相亮帥諸軍征曹叡圍祁山始以木牛
運夏叡使其將司馬懿張郃拒王師六月亮與郃戰于
青封殺之懿等帥餘衆遁去秋八月放都護李平于梓
潼郡是歲孫權敗曹叡將于凌于阜陵安漢將軍李恢

卒

十年休士勸農作流馬木牛犂兵講武

十一年冬發諸軍運米于斜谷治斜谷邸閣將以討曹叡孫權攻曹叡合肥新城是歲南夷劉胄反將軍馬忠討平之

十二年春二月丞相亮帥師十萬征曹叡由斜谷出始以流馬運車騎將軍劉琰有罪棄市三月孝獻皇帝崩亮屯渭南曹叡使其將司馬懿拒王師懿畏亮不敢戰

夏五月孫權攻曹叡合肥新城分遣其將攻淮沔秋七月丞相亮薨于渭南長史楊儀帥諸軍還楊儀殺征西大將軍魏延大赦天下以左將軍吳懿為車騎將軍假節督漢中丞相留府長史蔣琬為尚書令兼總機政是歲孫權遣其侍中是儀來聘

十三年春正月放中軍師楊儀于漢嘉郡尋殺之夏四月以尚書令蔣琬為大將軍後軍師費禕為尚書令十四年夏四月行幸湔登觀阪觀汶水之流旬日而還

武都氐王符健帥衆降徙健及氐民四百餘戶於廣都十五年夏六月皇后張氏崩秋葬敬哀皇后于南陵是歲車騎將軍吳懿薨

延熙元年春正月立皇后張氏大赦天下改元立子璿為皇太子瑤為安定王冬十一月大將軍蔣琬出屯漢中

二年春三月以大將軍蔣琬為大司馬曹叡死其養子芳嗣偽位越雋夷獠數反太守僑治定安縣

三年春使越雋太守張嶷平定越雋郡

四年夏孫權使其將全琮諸葛瑾等攻曹芳取柁中冬十月尚書令費禕至漢中與大司馬蔣琬咨議國事

五年春正月監軍姜維督偏軍自漢中還屯涪縣

六年冬十月大司馬蔣琬自漢中還駐軍于涪十一月大赦天下以尚書令費禕為大將軍錄尚書事司馬姜維為鎮西大將軍領涼州刺史前護軍王平為前監軍鎮北大將軍統漢中

七年春閏月曹芳使其將曹爽夏侯玄寇漢中鎮北大將軍王平禦之于興勢大將軍費禕帥諸軍繼至爽等遁去夏四月安平王理薨秋九月禕還成都

八年秋八月皇太后崩冬葬穆皇后于惠陵十二月大將軍費禕至漢中行圍守

九年夏六月費禕還秋大赦天下冬十一月大司馬蔣琬薨尚書令董允卒宦人黃皓始與政

十年春以鎮西大將軍姜維為衛將軍與大將軍費禕

共錄尚書事衛將軍姜維帥師出隴西南安金城與曹芳將郭淮夏侯霸等戰于洮西涼州胡王白虎文治無戴等帥衆降遣姜維撫定居之于繁縣是歲汶山平康夷反維討平之左將軍特進向朗薨

十一年夏五月大將軍費禕出屯漢中涪陵屬國民夷反車騎將軍鄧芝討平之是歲鎮北大將軍王平薨十二年春曹芳太傅司馬懿殺其大將軍曹爽等自是政歸于懿父子其右將軍夏侯霸來降夏四月大赦天

下秋衛將軍姜維帥師討曹芳攻其雍州不克將軍句安李韶奔魏是歲鎮南大將軍平尚書事馬忠薨

十三年衛將軍姜維復出西平

十四年夏大將軍費禕還成都冬復北屯漢壽大赦天下曹芳太尉王凌憤司馬懿專國欲起兵誅之不克車騎將軍鄧芝薨尚書令呂乂卒

十五年夏孫權死其子亮嗣偽位立子琮為西河王十二月曹芳使其將諸葛誕胡遵等攻吳東興隄孫亮太

傳諸葛恪大敗之死者萬數

十六年春正月大將軍費禕駐漢壽為魏降人郭循所害夏四月衛將軍姜維帥師圍安南不克是歲孫亮使其太傅諸葛恪攻魏圍合肥新城其武衛將軍孫峻殺恪

十七年春三月衛將軍姜維還成都加都督中外諸軍事大赦天下夏六月衛將軍維帥師出隴西曹芳狄道長李簡舉城降進圍襄武與曹芳將徐質戰大破其軍

質走維乘勝多所降下拔河間狄道臨洮三縣民居之
于緜竹繁縣是歲魏司馬師廢其主芳而立曹髦

十八年春正月曹髦將軍毋丘儉文欽等憤司馬師專
國起兵誅之不克衛將軍姜維還夏維復帥車騎將軍
夏侯霸等征曹髦俱出狄道大破其雍州刺史王經於
洮西俘斬數萬人

十九年春以衛將軍姜維為大將軍帥師與鎮西大將
軍胡濟期會上邽以討曹髦濟後期不至秋王師敗績

于段谷維還成都貶為後將軍行大將軍事冬孫亮侍
中孫琳殺其將軍滕胤驃騎將軍呂據自為大將軍十
二月亮遣其五官中郎將刁玄來告亂是歲立子璜為
新平王大赦天下

二十年夏五月曹髦司空諸葛誕憤司馬昭專國據壽
春欲討昭不克行大將軍姜維聞其變帥諸軍出駱谷
大赦天下

景耀元年春姜維還成都復拜大將軍景星見大赦天

下改元吳孫琳廢其主亮而立孫休冬孫休殺孫琳

二年夏六月立子諶為北地王恂新興王虔上黨王

三年夏五月魏司馬昭殺其主髦而立曹奐秋九月追

諡故將軍關羽張飛馬超龐統黃忠

四年春三月追諡故將軍趙雲冬十月大赦天下

五年春正月西河王琮薨大將軍姜維帥師征曹奐王

師敗績于侯和

炎興元年夏曹奐相國司馬昭使其黨鍾會鄧艾等寇

漢中遣左右車騎將軍張翼廖化輔國大將軍董厥等
禦之大赦天下改元冬司馬昭自為晉王十一月衛將
軍諸葛瞻與鄧艾戰于緜竹王師敗績瞻死之是月國
亡明年春帝遷于雒陽晉泰始七年崩時年六十五

贊曰少帝任賢相則偽境懷畏一惑閹尹亂亡隨之傳
曰存亡在所任信哉

續後漢書卷二

欽定四庫全書

續後漢書卷三

宋 蕭常 撰

建安以來諸侯年表第一

東京之季羣雄蝟奮有地有民如古諸侯其事跡雖見於范擘漢史而所書類多踈略陳壽國志又獨詳於曹氏覽者病於研究今自建安以來表著其事列於左方

漢

劉玄德

豫州

劉璋

益州

劉表

荊州

袁紹

冀州

袁術

揚州

孫策

江東

曹操

兖州

呂布

徐州

<p>丑 丁 二</p>	<p>子 丙 一</p>	<p>元 安 建</p>
<p>擊斬韓 遣楊奉 於徐揚 間</p>	<p>宣城亭侯 夏州為呂 布襲奪曹 操表為豫 州牧</p>	<p>初平末為 豫州刺史 帝時領益 州牧興平 是歲為鎮 元年卒詔 東將軍封 璋代領益</p>
	<p>州獻帝召 璋為卿不 至</p>	<p>初平元年 詔為荊州 刺史遂有</p>
	<p>漢南</p>	<p>初平二年 以渤海太 守督韓護</p>
<p>將軍 拜大</p>	<p>取冀州遂 有河北</p>	<p>初平四年 興平元年 領父堅部</p>
<p>僭帝號 於淮南 曹操擊 之兵敗 走渡淮</p>	<p>遣使脩貢 詣封高程 侯以書責 表街僭號</p>	<p>曲二年敗 揚州刺史</p>
<p>罪 討袁術 僭逆之</p>	<p>東 阿遂有江 軍荀武勸 迎天子遂 遷許都</p>	<p>又自為司 空東騎將 錄尚書事 州</p>
		<p>初平三年 領兗州牧 是歲自領 司隸校尉 劉玄</p>
		<p>是歲 襲取 德徐</p>

欽定四庫全書

續後漢書

三

辰 庚 五	卯 巳 四	寅 戊 三
曹操來攻關羽 為所獲 表紹 今徇汝穎關羽 來歸 玄德去紹說 紹南連劉表 斬操將蔡陽	受帝衣帶中 密詔誅曹操 會東出不果 魏曹操徐州 刺史車胄	呂布來攻十 月與曹操攻 布下邳斬之 拜左將軍
	袁紹曹操 相攻不從 韓嵩之言 擁兵觀望	
大敗於官 渡殺別駕 田豐	憤曹操劫 制天子欲 討之移檄 州郡列其 罪	
	軍敗還壽 春憤死江 亭	
冀為遁所殺 其弟權襲其 業先是臧會 挾把於官渡 策謀襲許迎 漢帝 卒	襲劉勳取 廬江敗黃 祖沙羨	使張紘脩 貢禽太史 慈釋而用 之 拜討逆將 軍封吳侯
董承等先受 命密詔誅曹 操事泄為操 所害 劉玄 德奔袁紹斬 紹將顏良文 醜破紹官渡	袁紹來攻 操分兵守 官渡	初置軍師 祭酒攻禽 呂布
		據下邳為 劉玄德曹 操所圍城 破為操殺

未 癸 八	午 壬 七	巳 辛 六
		<p>領軍法南曹魏 來攻桂從劉表 於荆州表使也 新野豪傑歸之 兄釋南生流涕 敗操將兄侯偉 子禁弟子植</p>
<p>曹操來攻 至西平而 還</p>		<p>劉玄德來 奔待以上 賓之禮</p>
<p>劉表以蒼 弟和親 勸譚尚兄</p>	<p>五月卒 審配廢其 長子譚立 少子尚曹 操攻譚尚</p>	<p>自官渡之 敗城邑多 叛復擊定 之</p>
<p>西攻黃祖 破其舟師</p>	<p>曹操下書 責權任子 周瑜勸權 勿違實</p>	
		<p>敗劉玄德 玄德奔劉 表 破袁紹倉 亭庫</p>

<p>戌 丙 十一</p>	<p>酉 乙 十</p>	<p>申 甲 九</p>
	<p>破通害 為曹操所 殫保南皮</p>	
	<p>使賀齊討 上饒分其 地為建平 縣</p>	
<p>廢齊北海車 陵下邳常山 甘陵濟陰平 原八王除其 國鑿平廣農 州二渠</p>		<p>破袁尚自 領冀州牧</p>

<p>丑 巳</p> <p>十四</p>	<p>子 戊</p> <p>十三</p>	<p>亥 丁</p> <p>十二</p>
<p>犀下推為荆 州牧治公安 孫權進其妹 表立德領荆 州牧</p>	<p>以吳師大敗 曹操於赤壁 遂有荆州表 劉琦為荆州 刺史</p>	<p>曹操攻柳城 立德勸劉表 襲許昌表不 從始用諸 葛亮</p>
	<p>曹操表為 孫威將軍</p>	
<p>劉琦卒劉 氏遂亡</p>	<p>八月辛少子 琮立以荆州 附操劉立德 表琮兄琦為 荆州刺史</p>	
		<p>高熙皆為公 孫康所殺表 氏遂亡</p>
	<p>攻黃祖破之斬其 守分獻為斬新 舟師日為丞相 新安陳陽休陽 并彭公孫為斬 郡郡 國魏 合肥新城 周 蜀破操子赤壁 守江南</p>	<p>西攻黃祖</p>
<p>曹仁敗棄城走</p>	<p>作玄武池以肄 舟師日為丞相 降劉琮取荆州 與劉立德戰龍 子亦壁遂失 荆州留曹仁</p>	<p>破烏桓城斬 蹋頓 遼東公孫康 斬袁尚袁熙</p>

<p>辰 王 十七</p>	<p>卯 辛 十六</p>	<p>寅 庚 十五</p>
<p>曹操攻孫權 權使來告急 始與劉璋有隙</p>	<p>益州牧劉璋 遣法正來迎 玄德與玄 就勤取益州</p>	<p>會孫權於 京口於是 盡有荊州 之地</p>
	<p>德會於涪 道法正迎</p>	
<p>城石頭改秣 陵為建業作 濡須塢</p>	<p>從 治 林 陵</p>	
<p>賜詔命已 費解不名 入朝不趨 刑履上殿 殺荀彧 及濡須</p>	<p>於渭南以其 子丕為五官 中郎將為丞 相副</p>	<p>作銅爵臺</p>

未 乙 二十	午 甲 十九	巳 癸 十八
<p>孫權襲荊州三郡 曹操取漢中 留夏侯淵張 郃守之張飛 大敗之于瓦口</p>	<p>夏後雄城道 圍成都馬超 來歸劉璋領 益州牧冬曹 操弒皇后</p>	<p>攻碓城</p>
	<p>關城門降 玄德還之 公安</p>	<p>劉玄德圍碓</p>
<p>取荊州三郡 攻合肥城</p>	<p>克皖城</p>	
		<p>廬沅江斬 春廣陵子餘 萬戶渡江來 歸 江西遂空惟 有皖城</p>
<p>以其女為獻 帝后取漢中 始置名號侯 以賞軍功</p>	<p>耕藉田 弒皇后伏氏 及二皇子置 托頭官殿</p>	<p>另十四州 復為九州 自為魏公 加九錫 作金虎臺 春攻濡須</p>

<p>戌 戊 三</p>	<p>酉 丁 二十二</p>	<p>申 丙 一</p>
<p>討夏侯淵張 郃於陽平</p>	<p>帥諸將進 兵漢中</p>	
		<p>曹操濡須</p>
<p>漢太醫令吉 本等憤其竊 國舉兵誅之 不克</p>	<p>建天子旌 旗出入柵 營障見十 有二旒</p>	<p>自為魏王以 其女為公主 以鍾繇為魏 相國攻孫權 亞祖</p>

續後漢書

續後漢書

巳
千四
亥

勃夏漢胡相繼
伏節是月會操
入制各官各條來
實東是馬哥漢故
夏漢未出得爾
相繼了得漢書孫
權襲殺胡州



魏殺胡討厥荆
州曹振表為陳
騎將軍討州牧
南昌侯 分宜
州种歸 二縣
國陵郡

夏漢明殺於陳
以真其下氏為王
后帥兵總鉅谷
軍敗走於雲遠
决漢中 子雲
等亡軍於關
羽 魏祖起兵
殊傑不克

正月死於權陽
子未自為丞相
改元延康冬集
漢自立國魏魏
改元黃初
今官人官不得
過權署令違

續後漢書卷三

欽定四庫全書

史部

續後漢書卷

四至
七

詳校官編修臣黃壽齡

編修臣裴謙覆勘

總校官庶吉士臣何思鈞

校對官中書臣王家賓

謄錄監生臣朱連傑

欽定四庫全書

續後漢書卷四

宋 蕭常 撰

章武以來吳魏年表第三

按昭烈以建安二十四年走曹操於漢中秋羣下表為漢中王明年操子丕篡國又明年昭烈從羣臣請即帝位於成都改元章武初朱嘗稱蜀參考傍載亦無稱蜀之大陳壽三國志即孫曹本號名其書曰吳魏獨于昭烈之書不曰漢而曰蜀且昭烈帝室支屬系承正統稱

漢為宜壽抑而不書而書其地豈以其所處之偏壤地之狹耶周自東遷以來諸侯強大拓地至數圻王室不絕如縷孔子作春秋書王書正必繫之周不以周之微而遂絕之也或謂壽既歸晉則為晉人晉承魏統不得不抑漢抑漢所以尊魏也習鑿齒亦晉人也其著漢晉春秋以昭烈上繼獻帝為漢意未嘗私魏而於昭烈有所貶抑矧壽嘗事昭烈父子獨無舊君之義乎近世歐陽修作五代史莊宗以晉稱唐則書唐李昇以江南稱

唐則又書唐劉崇以河東稱漢則書漢劉龔以南越稱漢則又書漢未聞書莊宗以晉書昇以江南書崇為河東書龔為南越且莊宗自以上繼昭宗昇自謂唐之宗室劉崇蓋漢祖之弟從其所稱可也劉龔謬自稱漢亦從而書漢人不以為非昭烈漢之支屬又非莊宗之唐劉龔之漢比奈何黜其宗國本號而稱其地哉故常刊正其謬合而名之曰續後漢書既正其名且以孫曹事迹參會漢氏之紀元列之於表云

章武元

吳

魏

丑 辛

先是建安二十五年曹丕
改延康冬篡漢改黃初
昭烈仍舊稱二十五年
是年四月乃改今元

徙武昌 置武昌郡稱藩
于曹丕丕封為吳王加九錫
立太子登
天子親御六師來討

黃初二
以魏郡東部為陽平郡
西部為廣平郡
復五銖錢
築凌雲臺

寅 壬

二

黃武一 私改元
曹丕責任子不受丕遣將來
攻將軍全琮斬魏將尹盧
改夷陵為西陵
遣郁泉聘於天子

三

初今選士不限年
曹休敗吳將呂範
穿靈芝池

續後漢書	己 乙	辰 甲	卯 癸
	三	二	三 是年五月改建興
續後漢書	四 冬曹丕復來侵	三 夏遣張溫聘於漢 九月曹丕來侵望大江曰彼 有人焉乃還	二 敗曹仁等於濡須 遣賀齊等襲斬春虜其 太守晉宗 冬天子遣鄧芝來
三	六 築東巡臺於徐州 侵吳至廣陵臨江有天所 以限南北之歎	五 立太學制五經課試之法 置春秋穀梁博士 穿天淵池	四 曹仁襲濡須為吳所敗 曹真攻江陵不克 築南巡臺於宛

丙午

四

五
陸遜請務農
分三郡惡地為東安郡
權語陸遜使守江東兵自足
用顧坐自守可陋耳

七
先是使諸儒進類經傳疏
皇覽
築九華臺
五月死子淑嗣偽位

丁未

五

六

太和元
行五銖錢
耕藉田

戊申

六

七
陸遜等大敗曹休於石亭
休憤死
改合浦為珠官郡

二
分新城之上庸武陵巫縣為
上庸郡錫縣為錫郡
天子使丞相亮來討曹休
使吳大敗于采石丞相吳新覆

巳酉

七

黃龍元

四月借即尊位大赦

還建業

遣使聘於漢

天子遣陳震來

三

丞相亮來討攻武都陰平
取之改平望觀曰瞻訟觀

庚戌

八

二

立都講祭酒

築東興隄

遣衛温入海求夷洲

四

作合肥新城 以其父丕與
論刻石 遣曹真司馬懿犯
漢丞相亮禦之於成固真等
趣還 漢將軍魏延破雍州刺
史郃淮於陽谿

辛亥

九

三

夏野蚕成繭 由拳野稻生

改為禾興縣 敗魏王陵於草

城陵 會稽嘉禾生 遣潘濬

呂岱平定武陵蠻夷

五

丞相亮以王師來討殺大將
張郃

寅甲	丑癸	子壬
十二	十一	十
<p>三 圓合肥</p>	<p>二 攻合肥縣</p>	<p>嘉禾元</p>
<p>二 丞相亮來討遣師馬懿拒 王師 秋亮薨於渭南 據權帥諸將來攻權自圓合 肥 漢獻帝崩</p>	<p>青龍元 青龍見摩陂改摩陂為龍 陂</p>	<p>六 治許昌宮起景福祿光殿</p>

丁巳	丙辰	乙卯
十五	十四	十三
<p>六 徙山越置平地</p>	<p>五 鑄大錢一當五百</p>	<p>四</p>
<p>景初元 以建丑之月為正 改太和歷為景初歷 省錫郡</p>	<p>四 置崇文觀</p>	<p>三 遣使以馬易珠璣翡翠於 吳 大治洛陽宮起昭陽太極殿</p>

申庚	未巳	午戊
三	二	延熙元
三 開倉賑民	二 城沙羨 南夷反呂岱討平之	赤烏元 鑄當千大錢
三 正始元	三 正月死子芳嗣為位 復以建寅為正	二 置汝陰郡 司馬懿大破遼東

酉辛

戌壬

亥癸

四

五

六

四
諸葛瑾取相中
太子登辛
秋城邾

五
立子和為太子
改永興為嘉興縣

六
諸葛恪敗魏將謝順
扶南國獻樂人
司馬懿帥師入舒

二
吳朱然圍襄陽之樊城司
馬懿拒之
以太牢祀孔子以顏回配

三

四
司馬懿帥師入舒

丙寅	乙丑	甲子
九	八	七
九 罷當千錢	八 鑿句容中道	七
七 吳朱然侵祖中 以太牢祀孔子	六	五 遣曹爽等犯漢中大將軍 費禕要與歸路爽等敗走

巳巳	辰戊	卯丁
十二	十一	十
十二	十一 朱然城江陵 新宮成	十 改作太初宮
嘉平元 司馬懿與曹爽爭權夷 爽等八族自是政歸懿 父子	九	八 分河東之汾北十縣置平 陽郡

庚午

十三

十三
廢太子和 立子亮為太子
遣軍十萬作堂邑冷塘
魏王昶等來攻遭戴烈拒之
昶等退走

二
王昶敗吳將施績於江陵

辛未

十四

太元元
冬祀南郊

三
王凌憤司馬懿竊國欲起
兵誅之不克

壬申

十五

二月改神鳳 四月改建興
四月權死子亮嗣為位
太傅諸葛恪作東興大堤以制
魏人十二月恪大破魏諸葛誕等
於東興

四
使胡遵諸葛誕等侵吳大
為吳所破

乙亥	甲戌	癸酉
十八	十七	十六
<p>二 魏大將文欽帥衆降</p>	<p>五鳳元</p>	<p>二 三月恪伐魏兵多疲死引還 孫峻殺恪</p>
<p>二 毋丘儉等舉兵誅司馬師 不克 大將軍姜維來討大敗雍 州刺史王經於洮西</p>	<p>正元元 秋司馬師廢芳而立髦 大將軍姜維來討圍襄武</p>	<p>五 吳諸葛恪圍合肥 大將軍姜維以王師來討 圍安南</p>

續後漢書

寅 戊	丑 丁	子 丙
景耀元	二十	十九
<p>永安元</p> <p>孫琳廢亮而立孫休 置學官 <small>止五經博士</small></p> <p>冬孫琳謀逆伏誅</p>	<p>二</p> <p>以長沙東郡為湘東郡 西部 <small>為衡陽郡會稽東部為臨海</small></p> <p>郡豫章東部為臨川郡</p> <p>辨廣中胤矢</p>	<p>軍</p> <p>孫琳殺滕胤呂據自為大將</p>
<p>三</p> <p>司馬昭殺諸葛誕等</p>	<p>二</p> <p>諸葛誕憤司馬昭竊國舉兵 <small>誅之不克</small></p>	<p>甘露元</p>

巳辛	辰庚	卯巳
四	三	二
<p>四 遣使巡行風俗</p>	<p>三 作瀟里塘 以會嵇南郡為建安郡 分宜都置建平郡</p>	<p>二 置九卿官</p>
二	<p>景元 元 司馬昭裁髮而立曹真</p>	四

壬午

癸未

五

夏改炎興

五

六
分武陵為天門郡尋分交州
為廣州
明年秋休死孫和之子皓嗣偽
位
又十五年為晉所滅

三

大將軍姜維出王師求討

四

漢中
夏司馬昭使鍾會鄒艾犯
又明年晉興曹氏遂亡

常既以正統繫之昭烈且刊正舊史之繆合其書而名之曰漢識者是之或謂近世司馬公光作歷代編年以漢傳於魏魏受之漢不得不取魏且謂昭烈於漢族屬踈遠是非難辨不可與光武晉元比不得紹漢氏遺統常謂不然曹操幽主弑后漢之賊也子丕世濟凶德以羿莽之心而竊議舜禹其代漢也雖其弟植與其黨蘇則等且不直之名禪而實篡謂之傳受可乎昭烈雖踈屬要為帝室之胄舉漢之人皆知其為景帝之後雖操

父子所謂盜憎主人者亦無一語謂其非是則是非之際亦何難辨之有今不以正統繫之帝室之胄而乃歸之篡國之賊其可哉晉習鑿齒作漢晉春秋起光武終於愍帝以昭烈上繼獻帝而晉承之且謂魏雖受漢禪尚為篡逆至晉文帝克並州乃為漢亡而晉興而廣漢張栻之論亦謂獻帝雖廢昭烈以正義立於蜀漢統未墜地也要盡末年而止二子之論云爾故備著之

續後漢書卷四

欽定四庫全書

續後漢書卷五

宋 蕭常 撰

列傳一

昭烈承衰亂之餘庶事草創嬪嬙之制闕焉未備方是時公族轉徙四方疏封亦鮮陳壽復擯而不書是以後世無傳焉姑因其舊而附益之

昭烈甘皇后沛人昭烈臨豫州駐小沛納以為妾昭烈數喪嫡室常攝內事從至荊州生少帝會曹操軍至追

及於當陽長阪時昭烈倉卒與后母子相失賴趙雲衛
護得免后薨葬南郡章武二年追謚皇思夫人徙葬於
蜀未至而昭烈崩丞相亮言皇思夫人履行脩仁淑慎
其身大行皇帝昔為上將嬪配作合載育聖躬大命不
融大行皇帝篤義垂恩思念皇思夫人神柩在遠特遣
使者奉迎會大行皇帝崩今皇思夫人神柩已到又梓
宮在道園陵將成安厝有期臣輒與太常臣賴恭等議
記曰立愛自親始教民孝也立敬自長始教民順也不

忘其親所由生也春秋之義母以子貴昔高皇帝追尊
太上昭靈夫人為昭靈皇后孝和皇帝改葬其母梁貴
人尊為恭懷皇后今皇思夫人宜有尊號以慰寒泉之
思輒與恭等按謚法宜曰昭烈皇后詩曰穀則異室死
則同穴故昭烈皇后宜與大行皇帝合葬惠陵臣請太
尉告宗廟布告天下太常具禮儀別奏制曰可

昭烈穆吳皇后陳留人兄懿少孤懿父與劉焉有雅故
從焉入蜀焉有異志而聞善相者相后當大貴遂為子

瑁納后瑁死后寡居昭烈既定益州而孫夫人還吳羣
下勸昭烈聘后昭烈疑與瑁同族法正進曰論其親疏
孰與晉文之於子圉於是納后為夫人建安二十四年立
為漢中王后章武元年夏五月策曰朕承天命奉至尊
臨萬國今以后為皇后遣使持節丞相亮授璽綬承宗
廟母天下皇后其敬之哉建興元年五月少帝即位尊
后為皇太后稱長樂宮延熙八年崩葬惠陵

昭烈孫夫人權妹也昭烈為荊州牧權稍畏之進夫人

以固好夫人剛猛有諸兄風侍婢百餘人皆執刀侍立
昭烈每入心常凜凜又多將吳吏卒縱橫不法昭烈以
牙門將軍趙雲嚴重命主內事權聞昭烈西征大遣舟
艦迎夫人夫人欲將太子還吳諸葛亮使趙雲張飛勒
兵斷江太子乃得留

少帝敬哀張皇后車騎將軍飛長女也章武元年納為
皇太子妃建興元年立為皇后十五年崩葬南陵

少帝張皇后敬哀皇后妹也建興十五年為貴人延熙

元年春正月立為皇后策曰朕統承大業君臨天下奉
郊廟社稷今以貴人為皇后使行丞相事左將軍向朗
持節授璽綬勉脩中饋恪肅禋祀皇后其敬之哉炎興
後隨帝北遷雒陽

少帝李昭儀不詳所出入宮為昭儀國亡司馬昭欲以
漢宮嬪賜諸將之無妻者昭儀曰我不能二三屈辱乃
自殺

贊曰事以正立以權濟蓋權者所以濟正之不及苟無

事乎權雖一於正可也昔者晉文公僑處於秦欲因秦而反國故秦伯納懷嬴而不敢拒何則有求於人勢不得不從不然則事何由濟此豈得已哉昭烈之納吳后方疑而未決法正乃援晉文之事以贊其成是所謂逢君之惡者也且夫婦人倫之始不可以不正匹夫且不可違禮况人主乎晉文之權以濟事已不能逃議者之譏今焉內不偏於勢外無事乎權奈何踵其違禮之失以權而廢正哉古者一正君而國定昭烈之不能定天下

其無賢臣以正之歟余觀趙雲以同姓之嫌不肯娶趙
範之嫂其所守之正有漢廷諸公不能及者使其得與
末議必能詆正之謬而納君於正矣書曰僕臣正厥后
克正詎不信然

甘陵王永字公壽昭烈庶子也章武元年六月使司徒
靖立為魯王策曰小子永受茲青土朕承天緒繼統大
業遵道稽古建爾國家封於東土奄有龜蒙世為藩輔
嗚呼惟彼魯邦一變適道風化存焉人之好德世茲懿

美王其秉心率禮綏爾士民是饗是宜其戒之哉後以所封邑踰遠建興八年徙甘陵初永惡宦人黃皓皓既用事譖之於帝帝稍疏永不得朝請者至十餘年炎興後遷雒陽永加之亂永孫元奔蜀李雄封為安樂公使奉漢祀

安平悼王理字奉孝與永異母章武元年六月使司徒靖立為梁王策曰小子理朕統承漢序祇順天命遵脩典秩建爾於東為漢藩輔惟彼梁土畿甸之邦民狎教

化易道以禮徃悉乃心懷保黎庶以永爾國王其敬之

哉建興八年改封安平延熙七年薨謚曰悼子哀王

名犯

太祖諱

嗣十九年薨子殤王承嗣二十年薨景耀四年

詔曰安平王先帝所命三世蚤夭國嗣頽絕朕用傷悼其以武邑侯輯襲王位輯理子也炎興後東遷於雒

太子璿字文衡少帝子也母王貴人延熙元年正月策

曰在昔帝王繼體立嗣副貳國統古今常道今以璿為

皇太子昭顯祖宗之威命使行丞相事左將軍朗持節

授印綬其勉脩茂質祇恪道義咨詢典禮敬友師傅斟酌衆善翼成爾德可不務脩以自勗哉鍾會之變為亂兵所害時年三十九璿弟瑤延熙初封安定王瓚十九年封新平王諶景耀二年封北地王恂新興王璿上黨王琮延熙十五年封西河王景耀五年薨

北地王諶景耀二年封炎興元年冬帝將從譙周之策諶怒曰若理窮勢屈便當父子君臣背城一戰同死社稷以見先帝地下可也帝不納是日諶哭於昭烈之廟

先殺其妻子而後自殺左右無不為涕泣

續後漢書卷五

欽定四庫全書

續後漢書卷六

宋 蕭常 撰

列傳二

陳登字元龍下邳人從祖球靈帝時太尉與劉劭陽球
謀誅宦官不克父珪沛相登博覽載籍雅善屬文自少
有扶世濟民之志年二十五舉孝廉除東陽長養耆字
孤視民如傷徐州牧陶謙表為典農校尉謙卒別駕麋
竺帥州人迎昭烈昭烈猶豫未行登進曰漢室陵遲海

內傾覆立功立事正在今日鄙州殷富欲屈使君撫臨
之今日之事百姓與能天與不取悔不可追昭烈從其
言登與其僚即日遣使詣袁紹曰天降災沴禍及鄙
州州將殂殞大懼姦雄一旦乘隙以貽盟主憂今奉
故平原相劉府君以為宗主永使百姓知有依歸方
今寇讐縱橫不遑釋甲謹遣下吏奔告於執事其
後昭烈東擊袁術呂布乘虛襲下邳珪欲遣登詣
許下布不許會曹操以王命拜布左將軍布大喜聽

登行登見操因言布勇而無謀宜蚤圖之操曰非卿莫究其情即增珪秩中二千石拜登廣陵太守臨別執其手曰東方之事便以相付始布因登求徐州牧登還布怒拔戟斫几曰卿父勸吾協同曹操絕婚公路今吾所求無一獲而卿父子並顯重為卿所賣耳登不為動容徐曰登見曹公言養將軍如養虎當飽其肉不飽則將噬人公曰不如卿言譬如養鷹饑則為用飽則颺去其言如此布意乃解登至廣陵明審賞罰宣

布威信百姓畏而愛之嘗使功曹陳矯詣許謂曰許下
議論待吾不足足下試察之還以見誨矯還曰聞遠
近之論頗謂明府驕而自矜登曰夫閨門雍睦有德
有行吾敬陳元方兄弟淵清玉潔有禮有法吾敬華
子魚清脩疾惡有識有義吾敬趙元達博聞強記奇
逸卓犖吾敬孔文舉雄姿傑出有王伯之畧吾敬劉
玄德所敬如此何驕之有餘子瑣瑣亦焉足錄哉後郡
為孫權所圍復令矯求救於曹操操遣兵赴之吳軍退

登預設間伏勒兵追攝大敗之加伏波將軍遷東城太守廣陵吏民懷其德闔郡隨之喻遣不止到郡未幾卒時年三十九荊州牧劉表嘗與昭烈共論當世人物坐有許汜者曰元龍湖海之士豪氣不除昭烈謂表曰許君論是非表曰欲言非此君為善士不宜虛言欲言是元龍名重天下昭烈謂汜君言豪寧有說邪汜曰昔遭亂過下邳見元龍元龍無客主之意久不相與語自上大牀卧使客卧下牀昭烈曰君有國士之名今天下大

亂君父蒙塵望君憂國忘家有救世之意而君求田問舍言無可采是元龍所諱也如小人欲卧百尺樓上卧君於地何但上下牀之間耶表大笑昭烈因言曰若元龍文武膽志當求之於古耳造次莫得比也其為一世推仰如此

袁渙字耀卿陳郡扶樂人父滂漢司徒純素寡欲不言人之短時諸公子多越法度而渙獨恬靜舉動以禮郡辟功曹姦吏皆自引去昭烈為豫州舉渙茂才後從袁

術呂布敗術於阜陵為布所拘布與昭烈有隙使作書
詈辱之渙不可強之弗許布大怒脇之以兵曰為之則
生不為則死渙色不變笑曰渙聞惟德可以辱人不聞
以罵使彼固君子邪且不恥將軍之言彼誠小人邪將
復將軍之意則辱在此不在彼矣且渙他日之事劉將
軍猶今日之事將軍也有如一旦去此復罵將軍可乎
布慚而止布死從曹操操雖善用兵而殘民以逞因言
於操曰夫兵者凶器也不得已而用之鼓之以道德征

之以仁義兼撫其民而除其害夫然故可與之死可與
之生自大亂以來民之欲安甚於倒懸然而暴亂未息
者何也意者政失其道歟渙聞世亂則齊之以義時偽
則鎮之以樸世異事變不可不察也夫制度損益此古
今不必同者也若夫兼愛天下而反之以正雖以武平
亂而綏之以德誠百王不易之道也古之所以得其民
者公既勤之矣今之所以失其民者公既戒之矣然而
民未知義惟公所以訓之則天下幸甚操善其言除沛

南部都尉時初募民開屯田民多逃迸渙謂操曰夫民安土重遷易以順行難以逆動宜順其意樂之者乃使不欲者勿強操從之百姓大說遷梁相存問鰥寡高年表異孝子烈婦常曰世治則禮詳世亂則禮簡全在斟酌之間耳方今雖擾攘難以教化然在吾所以為之為政崇教訓恕思而後行內溫柔而外能斷以病去官百姓思之後遷丞相軍祭酒所得祿賜散之親故家無贏餘終不問貲產乏則取於人不為皁察之行時人服其

清時有傳昭烈凶聞者僚屬皆賀渙以嘗為昭烈舉吏
獨不賀居官數年卒操後聞渙昔嘗拒呂布問其從弟
敏渙勇怯何如對曰渙貌若和柔至臨大節處危難雖
賁育不能過四子侃寓奧準侃清粹有父風準字孝尼
忠信公正不耻下問惟恐人之不勝已以世方多虞故
不求聞達著書十餘萬言論治世之務為易周官詩傳
及論析五經滯義聖人之微言傳於世從子亮貞固有
學行疾何晏鄧颺等浮虛著論譏切之

邴原字根矩北海朱虛人少與管寧俱以操尚稱州府
辟召皆不就黃巾之亂將家屬入海居鬱洲山中孔融
為北海相舉原有道原以黃巾方熾去家之遼東歲中
往依原居者數百家游學之士授經不絕後遁還鄉里
太守公孫度曰邴君所謂雲中白鶴非鶉鷄之網所能
羅也既還乃築精舍講述詩書禮樂聚徒常數百時鄭
玄以博學洽聞注釋典籍故儒雅之士集焉原以高遠
清白頤志淡泊口無擇言身無擇行故英偉之士趨焉

海內清議每謂青州有邴鄭之學曹操辟為司空掾原
女早亡會操愛子倉舒亦夭歿操欲求合葬原辭曰合
葬非禮也原之所以自容於明公明公之所以待原者
以能守訓典而不易也若聽明公之命則是凡庸也明
公焉以為哉操乃止徙丞相徵事崔琰為東曹掾記遜
曰徵事邴原議郎張範皆秉德純懿志行中方清靜足
以厲俗貞固足以幹事所謂龍翰鳳翼異國之重寶舉而
用之不仁者遠轉五官將長史閉門自守卒原少善飲

自行學不飲者八九年單步負笈師事潁川陳實涿郡
盧植陳留韓子助臨別人以其不飲饋以米肉原曰本
能飲但以荒思廢業故斷之耳今當遠離可以飲餞於
是終日不醉嘗為孔融計佐融愛一士對客輒稱美之
後以忤意更欲殺之僚屬皆為請其人亦叩頭流血而
融意不解原於坐獨不言融謂曰衆皆請而君獨不何
也原對曰明府於基本不薄常言此吾子也歲終當
舉之朝吏辱愛未有在其右者今乃欲殺之明府愛

之則引而方之於子惡之則摧之欲危其身原愚不知明公之所以愛惡融曰某吾成就之擢用之今負恩施善則進之惡則誅之固君道也往者應仲遠為泰山太守舉一孝廉旬月而殺之賞罰勸沮何嘗之有原曰仲遠舉孝廉而殺之其義焉在夫孝廉國之俊選也舉之若是則殺之非也若殺之是則舉之非也語云愛之欲其生惡之欲其死既欲其生又欲其死是惑也仲遠之鄙甚矣明府奚取焉融乃大笑曰吾直戲耳原曰

君子於其言出乎身加乎民言行君子之樞機也安有欲殺人而可以為戲者哉融無以對原之守正類此

陸績字公紀吳郡吳人父康廬江太守績六歲見袁術於九江術饋客橘績懷三顆拜辭墮地術謂曰陸郎作賓客而懷橘乎績跪對曰欲歸遺母術大奇之孫策在吳張昭張紘秦松為上客共論四海未泰當用武而平之績年少下坐厲聲曰昔管夷吾相齊桓公九合諸侯一匡天下不以兵車孔子白遠人不服則脩文德以來之

今論者不務道德懷取之術而惟尚武績雖童蒙竊所未安昭等異焉績風度雄偉博學多識雖星歷之書無不研究虞翻舊齒名德龐統荆楚碩望皆與友善孫權辟為奏曹掾以直道見憚出為鬱林太守加偏將軍績素病臂又意在儒雅非其志也雖有軍事著述不廢作渾天圖註易釋文皆傳於世預知亡日乃為辭曰有漢志士吳郡陸績幼閱詩書長玩禮易受命南征遭疾罹厄命也不幸嗚呼悲隔又曰從今以去六十年車同軌

書同文惜不及見也年三十二卒子宏獻俱仕吳至大官

贊曰登之達識渙之正論原之不詭隨賢於時輩遠矣方昭烈之從違未決而登勉之以王伯之業呂布之傲狠明德而渙拒之以大義原卻非禮之殉而曹操不能強非明達正直能若是乎績之言論英發見於穉齒篤信好學亦佳士也登為漢臣未始它仕績擯南徼死不忌漢袁邴二子雖嘗為操所辟直迫於勢耳豈其本心

哉故表而出之不與荀華等並列云

續後漢書卷六

欽定四庫全書

續後漢書卷七

宋 蕭常 撰

列傳三上

諸葛亮字孔明琅邪陽都人司隸校尉豐之後也父珪
泰山郡丞亮蚤孤從父玄往依劉表亮從至荊州玄卒
遂家於南陽隆中少與潁川徐庶石韜汝南孟建游學
三人務為精熟亮獨觀其大畧嘗晨起從容抱膝長嘯
而謂三子曰卿等可至郡守刺史庶等問其所志笑而

不答身長八尺每自比管仲樂毅躬耕隴畝好為梁父吟
時人莫測也惟與庶及崔州平友善而重龐德公每獨
拜牀下德公亦稱之為卧龍建安十二年昭烈在荊州
訪世事於司馬徽徽曰腐儒俗士豈識時務識時務者
在乎俊傑此間自有伏龍鳳雛昭烈問為誰曰諸葛孔
明龐士元也徐庶見昭烈於新野昭烈器重之庶謂昭
烈曰諸葛孔明卧龍也將軍豈願見之乎昭烈曰君與
俱來庶曰此人可就見不可屈致將軍宜枉駕顧之昭

烈遂詣亮凡三往乃見因屏人語曰漢室傾頽姦臣竊命主上蒙塵孤不度德不量力欲信大義於天下而知術淺短遂用猖蹶至於今日然志猶未已君謂計將安出亮曰自董卓以來豪傑並起跨州連郡不可勝數曹操比於袁紹則名微而衆寡然遂能克紹以弱為强者非曰天時亦人謀也今操擁百萬之衆挾天子而令諸侯此誠未可與爭鋒孫權據有江東已歷三世國險而民附賢能為之用此可與為援而不可圖也荊州北據漢

沔利盡南海東連吳會西通巴蜀此用武之國而其主
不能守此殆天所以資將軍將軍豈有意乎益州險塞
沃野千里天府之土高祖因之以成帝業劉璋闇弱張
魯在北民阜國富而不知存卹知能之士思得明君將
軍既帝室之胄信義著於四海總覽英雄思賢如渴若
跨有荆益保其巖阻西和諸戎南撫夷越結好孫權內
脩政理天下有變則命一將將荊州之軍以向宛雒將
軍身帥益州之衆出於秦川百姓孰不箪食壺漿以迎

將軍者乎誠如是則伯業可成漢室可興矣昭烈曰善
於是情好日密關羽張飛等不說昭烈曰孤之有孔明
猶魚之有水也願諸君勿復言時年二十七劉表愛其
少子琮而長子琦不自安問計於亮亮不對它日與亮
升高樓捐階而問之亮曰君不見申生在內而危重耳
在外而安乎琦感悟求出守江夏明年表卒琮立會曹
操南侵琮遣使迎降而不以告操兵至宛昭烈始聞之
亮說昭烈曰攻琮荊州可有也昭烈不忍乃引去操追

急昭烈遂至夏口亮曰事急矣請奉命求救於孫將軍
時權擁衆柴桑觀望成敗亮說權曰海內大亂將軍據
有江東劉豫州亦收衆漢南與曹操並爭天下今操已
并羣雄遂破荊州故豫州至此將軍量力而處之若能
以吳越之衆與之抗衡不若早與之絕若不能按兵東
甲北面而事之今將軍外託服從之名內懷猶豫之計
事急而不斷禍至無日矣權曰苟如君言劉豫州何不
遂事之乎亮曰田橫齊之壯士猶守義不辱况劉豫州

王室之胄英才蓋世衆士慕鄉若水之歸海事之不濟
此乃天也安能復為之下乎權勃然曰吾不能舉全吳
之地十萬之衆受制於人吾計決矣非劉豫州莫可當
操者然豫州新破之後安能抗此難乎亮曰豫州軍雖
敗於長阪今戰士還者及關羽水軍精甲萬人劉琦合
江夏戰士亦不下萬人曹操之衆遠來罷敝聞追豫州
一日一夜行三百餘里此所謂強弩之末不能穿魯縞
故兵法忌之曰必蹶上將軍且北方之人不習水戰又

荆州之民附操者偪兵勢耳非心服也今將軍誠能命
猛將統兵數萬與豫州協規同力破操必矣成敗之機
在於今日權大說即遣周瑜程普魯肅等水軍三萬隨
亮詣昭烈并力拒操大破之於赤壁昭烈遂收江南以
亮為軍師中郎將使督零陵桂陽長沙三郡租賦以充
軍實孫權遣使請脩好昭烈欲往亮以為不可昭烈固
欲往至則周瑜果請留之權不從昭烈歸歎曰天下知
謀之士所見畧同如此十六年益州牧劉璋遣法正迎

昭烈使擊張魯亮與關羽留鎮荊州昭烈自葭萌還攻
璋亮與張飛趙雲等沂江西上定白帝江州江陽十九
年與昭烈會圍成都成都平昭烈領益州牧以亮為軍
師將軍署左將軍府事於是並用羣才各當其任政頗
尚嚴法正謂亮曰高祖入關約法三章秦民歸德宜緩
刑弛禁以慰新附亮曰秦政苛急天下土崩故高祖因
之以寬濟劉璋闇弱自焉以來文法羈縻互相承奉德政
不舉威刑不肅蜀土人士專權自恣君臣之分漸以陵

替敝實由此吾今威之以法法行則知恩限之以爵爵
加而知榮榮恩並濟上下有節為治之要於斯著矣昭
烈進兵漢中亮常居守足食足兵乃表楊洪為蜀郡太
守調度皆辦亮之用人惟其才能不論資歷先後西土
皆服其能盡時人器用二十四年昭烈敗曹操於漢中
亮帥羣下上昭烈為漢中王曹丕篡漢羣下請稱尊號
昭烈未之許亮曰曹氏篡漢天下無主大王劉氏苗裔
紹世而起乃其宜也昭烈於是即帝位策亮為丞相曰

朕遭家不造奉承大統兢兢業業不敢康寧思靖百姓懼
未能綏於戲丞相亮其悉朕意毋怠輔朕之闕以宣重
光以照明天下君其勗哉亮以丞相錄尚書事假節張
飛卒復領司隸校尉章武三年春車駕駐永安不豫召
亮屬以後事謂曰君才十倍曹丕必能安國終定大事
嗣子可輔輔之如其不才君可自取亮泣涕曰臣敢不竭
股肱之力効忠貞之節繼之以死帝又為詔勅皇太子曰
汝與丞相從事事之如父建興元年封武鄉侯領益州牧

事無巨細皆決於亮於是引一時名士如蔣琰張裔等皆入丞相幕府又妙簡舊德使佐益州以秦宓為別駕五梁為功曹杜微為主簿譙周為勸學從事時南中諸郡皆叛亮以新遭大喪未即加兵自昭烈駐永安吳人懼復遣使來輸款會昭烈崩至是遣使聘吳閉關息民務農殖穀曹丕使其偽司徒華歆移書於亮亮不答作正議以示人其畧曰昔世祖創迹舊基奮羸卒數千摧新莽強旅四十餘萬於昆陽之郊據道討滎不在衆寡

及至曹操以其謫勝之力舉數十萬之衆救郟於陽平
勢窮慮悔僅能自脫深知神器不可妄獲旋軍未至感
憤而死軍誠曰萬人必死橫行天下昔黃帝整卒數萬
制四方定海內而況以數十萬之衆據正道而臨有罪
可得而干擬哉三年始帥師南征四郡詔賜金鈇鉞一具
曲蓋一前後羽葆鼓吹各一部虎賁六十人進兵越雋
所在戰捷遂斬雍闓高定惟孟獲收闓餘衆以拒獲素
為夷夏所服亮募生致之既禽釋縛使觀營陣之間謂

曰此軍何如獲曰向不知虛實故敗今直易勝耳亮笑而縱之使更戰七縱七禽而亮猶遣獲獲止而不去曰公天威也南人不復反矣遂至滇池四郡皆平即其渠帥而用之或以諫亮亮曰若留外人則當留兵兵留則無所食一不易也加夷新傷殘父兄死喪留外人而無兵必生禍患二不易也又夷累有廢殺守將之罪自嫌釁重若留外人終不相信三不易也今吾欲不留兵不轉餉而綱紀粗定夷漢粗定不亦可乎乃悉收其豪傑

孟獲等以為官屬軍資所出國以富饒終亮之世夷不復反十二月還成都治兵講武以圖興復方是時田疇闢倉廩實法度修立軍旅整暇工械技巧物究其極吏不容姦人懷自厲強不侵弱朝會不譁道不拾遺風俗一變五年亮帥諸將將北征曹叡命張裔參軍蔣琬統留府事辟尹默來敏為軍祭酒霍弋姚佗等皆入幕府亮以帝富於春秋忠邪未辨深惟根本至計臨發上疏曰先帝創業未半而中道崩殂今天下三分益州罷敝此誠

危急存亡之秋也然侍衛之臣不懈於內忠志之士忘身於外者蓋追先帝之殊遇欲報之於陛下也誠宜開張聖聽以光先帝遺德恢弘志士之氣不宜妄自菲薄引喻失義以塞忠諫之路宮中府中俱為一體陟罰臧否不宜異同若有作姦犯科及為忠善者宜付有司論其刑賞以昭陛下平明之理不宜偏私使內外異法也侍中侍郎郭攸之費禕董允等此皆良實志慮忠純是以先帝簡拔以遺陛下愚以為宮中之事事無大小

悉以咨之然後施行必能裨補闕漏有所廣益將軍向寵性行淑均曉暢軍事試用於昔日先帝稱之曰能是以衆議舉寵為督愚以為營中之事悉以咨之必能使行陣和整優劣得所親賢臣遠小人此先漢之所以興隆也親小人遠賢臣此後漢之所以傾頽也先帝在時每與臣論此事未嘗不歎息痛恨於桓靈也侍中尚書長史參軍此悉貞良死節之臣願陛下親之信之則漢室之隆可計日而待也臣本布衣躬耕南陽苟全性命

於亂世不求聞達於諸侯先帝不以臣卑鄙猥自枉屈
三顧臣於草廬之中咨臣以當世之事由是感激遂許
先帝以驅馳後值傾覆受任於敗軍之際奉命於危難
之間爾來二十有一年矣先帝知臣謹慎故臨崩寄臣
以大事也受命以來夙夜憂勤恐託付不效以傷先帝
之明故五月渡瀘深入不毛今南方已定兵甲已足當
獎帥三軍北定中原庶竭駑鈍攘除姦雄興復漢室還
於舊都此臣所以報先帝而忠陛下之職分也至於斟

酌損益進盡忠言則攸之禕允之任也願陛下託臣以
討賊興復之效不效則治臣之罪以告先帝之靈責攸
之禕允等之慢以彰其咎陛下亦宜自謀以咨諏善道察
納雅言深追先帝遺詔臣不勝受恩感激今當遠離
臨表涕零不知所言遂行屯於沔陽亮以轉餉回遠使
子喬親帥諸將子弟運於谷中六年正月亮在漢中將
進師丞相司馬魏延曰夏侯楸曹氏壻也怯而無謀願
假延精兵五千負糧五千直從褒中出循秦嶺而東當

子午而北不過十日可至長安比東方相合聚尚二十餘日而公從斜谷來亦足以達如此則一舉而咸陽以西可定也亮以為不如從坦道平取為正不用延計揚聲由斜谷取郿使趙雲鄧芝為疑軍據箕谷曹叡使其將曹真來拒亮身帥諸軍攻祁山戎陣整齊號令明肅始魏人以昭烈既崩數歲寂然無聞是以畧無預備卒聞亮出關中響振南安天水安定三郡皆應亮曹叡大懼其羣下不知所為叡西至長安遣張郃等拒王師亮

使馬謖督諸軍在前與郤戰於街亭謖違亮節度舉措
煩擾王師敗績亮屯去謖數里徐行引退拔西縣千餘
家還漢中戮謖以謝衆為之流涕時趙雲等亦敗於箕
谷亮上疏自貶曰臣以弱才叨切非據親秉旄鉞以厲
六師不能訓章明法臨事而懼至有街亭違命之闕箕
谷不戒之失咎皆在臣授任無方臣明不知人恤事多
闕春秋責帥臣職是當請自貶三等以督厥咎詔以亮
為右將軍行丞相事所總統如前亮之出衆才五萬或

勸亮多發兵者亮曰大軍在祁山箕谷皆多於賊而不能破賊為賊所破者此病不在兵少也在一人耳今欲減兵省將明罰思過校變通之道於將來若不然者雖多何益自今以後有忠慮於國但勤攻吾之闕則事可定賊可滅功可躋足而待矣於是考徵勞甄壯烈引咎責躬布所失於天下厲兵講武以為後圖戎事簡練民忘其敗

續後漢書卷七

欽定四庫全書

史部

續後漢書卷八至十一

詳校官編修臣黃壽齡

編修臣裴謙覆勛

總校官庶吉士臣何思鈞

校對官中書臣王家賓

謄錄監生臣章玉植

欽定四庫全書

續後漢書卷八

宋 蕭常 撰

列傳三下

是冬亮聞孫權破曹休魏兵東下關中虛弱上疏曰先
帝深慮漢賊不兩立王業不偏安故託臣以討賊也以
先帝之明量臣之才故知臣伐賊才弱敵強也然不伐
賊王業亦亡坐而待亡孰與伐之是故託臣而不疑也
臣受命之日寢不安席食不甘味思惟北征宜先入南

故五月渡瀘深入不毛并日而食臣非不自惜也顧王業不可偏全於蜀都故冒危難以奉先帝之遺意而議者謂為非計今賊適罷於西又務於東兵法乘勞此進趨之時也謹陳其事如左高帝明並日月謀臣淵深然猶涉險被創危而後安今陛下未及高帝謀臣不如良平而欲以長計取勝坐定天下此臣之未解一也劉繇王朗各據州郡論安危計動引聖人羣疑滿腹衆難塞冒今歲不戰明年不征使孫策坐大遂并江東此臣之

未解二也曹操計數殊絕於人其用兵也彷彿孫吳然困於南陽險於烏巢危於祁連偏於黎陽幾敗北山殆死潼關况臣才弱欲以不危而定之此臣之未解三也曹操五攻昌霸不下四越巢湖不成任李服而李服圖之委夏侯而夏侯敗亡先帝每稱操為能猶有此失况臣駑下何能必勝此臣之未解四也自臣到漢中期年耳喪趙雲陽羣馬玉閭芝丁立白壽劉邵鄧銅等及曲長屯將七十餘人突將無前賓叟青羌散騎武騎一千餘

人此皆數十年之內所糾合四方之精銳非一州之所
有若復數年則損三分之二當何以圖敵此臣之未解
五也今民窮兵罷而事不可息則坐與行勞費正等而
不及今圖之欲以一州之地與賊持久此臣之未解六
也夫難平者事也昔先帝敗軍於楚當此之時曹操撫
手謂天下已定後先帝東連吳越西取巴蜀舉兵北征
夏侯授首此操之失計而漢事將成也其後吳更違盟
關羽毀敗秭歸蹉跌曹丕稱帝凡事如是難可預計臣

鞠躬盡力死而後已至於成敗利鈍非臣所能逆睹也
遂出散關急攻陳倉曹叡遣曹貞救陳倉張郃繼之會
糧盡引還王雙帥騎來追亮與戰破之臨陣斬雙七年
春將軍陳式攻武都陰平魏雍州刺史郭淮引兵救
之亮次建威淮遁去遂平二郡詔策亮曰街亭之役咎
由馬謖而君引愆深自貶抑重違君意順聽所守前年
耀師馘斬王雙今歲爰征郭淮遁走降集氐羌興復二
郡威振凶暴功勲顯著方今天下騷動元惡未梟君

受大任幹國之重而久自抑損非所以光揚洪烈也今復君丞相君其勿辭夏孫權僭號議者咸欲討之亮獨曰權有僭逆之心久矣國家所以畧其釁者求犄角之援也今若討之須并其土乃議中原此未可一朝定也頓兵相持坐而須老北賊得計非算之上者孝文卑辭匈奴先帝優與吳盟皆應權通變弘思遠益非匹夫之為分者也今議者咸以權利在鼎足不能并力志望已滿無上進之情推此皆似是而非也何者其勢不侔故

限江自保權之不能越江猶魏賊之不能越漢非力有餘而利不取也若大軍致討彼非端坐者也就其不動而睦於我我之北伐無東顧之憂河南之衆不得盡西此之為利亦已深矣其僭逆之罪未宜明也乃遣衛尉陳震往聘冬徙府營於南山下原上築漢城於沔陽樂城於成固八年亮使司馬魏延西入羌中大破曹叡將費瑤郭淮於陽溪九年復出祁山以木牛運木牛流馬連弩皆亮所制也亮圍祁山招鮮卑軻比能比能

等攻北地石城以應亮曹叡使其將司馬懿屯長安督張郃費曜戴陵郭淮等拒王師懿使曜陵留兵四千守上邽餘衆悉救祁山亮分兵留攻而自逆懿於上邽淮曜等要亮亮破之因大芟其麥與懿遇於上邽東懿懼歛兵依險軍不得交亮引還懿隨至鹵城又登山為營不敢戰其下謂懿曰君畏亮如虎奈天下笑何皆請戰懿病之五月使張郃攻無當監王平於南圍自授中道向亮時漢兵更下者十二懿軍始陳番兵適交參佐

皆言賊盛宜權留更卒張助聲勢亮曰吾統戎行師大信為本得原失信古人所惜更者束裝以待期妻子鶴望而計日雖臨征伐義不廢也督遣令行於是去者願留一戰止者憤踊思致死命乃使魏延高翔吳班與懿戰大破之獲甲首三千級玄鎧五千領懿走保營六月亮以糧盡退師懿使張郃襲攻至木門亮與戰又大破之臨陣殺郃是冬亮以連年出師息民休士益農講武運米集斜谷邸閣三年而後用之亮之用兵出入如賓踐敵

境而芻蕘者不躡師止如山進退如風出征之日天下
震動而人心不憂雖數萬之衆而所興造若數十萬之
功所至營壘井竈圃溷藩籬障塞皆應繩墨一月之行
去之如始至經事綜物公誠之心形於文辭夙興夜寢
罰二十以上皆親覽十二年春復悉師十萬由斜谷出
始以流馬運遣使約孫權同時大舉四月至郿軍於渭
水之南據武功五丈原司馬懿渡渭背水為壘以拒王
師亮每患糧運不繼使已志不伸乃分兵屯田為久駐

之基耕者雜於渭濱居民之間而百姓安堵軍無私焉
亮數挑戰懿不敢出遣遺巾幘懿患之上表請戰曹叡
使辛毗仗節為軍師以制之亮謂其下曰彼本無戰心
所以固請戰者示武於其衆耳將在軍君命有所不受
苟能制吾豈千里而請戰邪相持百餘日秋會亮有疾
日侵密表帝曰臣若不幸後事宜付蔣琬時帝亦遣
尚書僕射李福省疾因咨以國家大計別去數日復還亮
曰知君還意所問者公琰其宜也福復請亮曰文偉

可以繼之又問其次亮不答後相繼為相皆稱賢云八月亮疾病密授長史楊儀司馬費禕護軍姜維等退師節度有星隕於營中亮薨年五十四儀整軍以還人以告懿懿勒兵追之姜維令儀反旆鳴鼓若將北鄉者懿不敢進儀得結陳去入谷而後發喪百姓為之語曰死諸葛走生仲達懿因觀其營壘歎曰天下奇才也遺令葬漢中定軍山策曰惟君體資文武明叡篤誠受遺託孤以輔朕躬繼絕興微志存靖亂爰整六師無歲不征

神武赫然威震八荒將建殊功於季漢參伊周之巨勲
如何不弔事臨垂克遇疾隕喪朕用傷悼肝心若裂夫
崇德叙功紀行命謚所以光昭將來刊載不朽今贈君
丞相武鄉侯印綬謚君忠武魂而有靈加茲寵榮景耀
中詔立廟於沔陽初亮自表於帝曰成都有桑八百株
薄田十五頃子弟衣食自有餘饒至於臣在外任別無
調度隨身衣食悉仰於官不別治生以長尺寸若臣死
之日不使內有餘帛外有贏財以負陛下及薨如其所

言亮為相十四年才兩赦或言大惜赦者亮曰治世以大德不以小惠故康衡吳漢不願為赦先帝亦言吾周旋陳元方鄭康成間每見啟告治亂之道悉矣曾不語赦若劉景升季玉父子歲歲赦宥何益於治不任喜怒人無怨言以公事廢李平廖立平聞亮薨至發憤死立亦垂涕歎曰吾終為左袵矣嘗作八務七戒六恐五懼皆有條章以訓厲臣子著作郎陳壽定著亮文集凡二十四篇又作八陣圖蓋黃帝太公丘井法也長史張裔

嘗稱之曰公賞不違遠罰不阿近爵不可以無功取刑
不可以貴勢免此賢愚所以僉忘其身也陳壽評之曰
亮為相國也撫百姓示儀軌約官職從權制開誠心布
公道盡忠益時者雖讐必賞犯法怠慢者雖親必罰服
罪輸情者雖重必釋游辭巧飾者雖輕必戮善無微而
不賞惡無纖而不貶庶事精練物理其本循名責實
虛偽不齒刑政雖峻而無怨者以其用心平而勸戒明也
可謂識治之良才管蕭之亞匹矣壽又云應變將畧非其

所長論者不以為然弟均官至長水校尉子瞻嗣見忠
義傳

喬字伯松亮兄瑾第二子也本字仲慎與兄恪俱知名
論者謂喬才不及兄而性行過之初亮未有子以喬為
嗣既為已嫡子故易其字焉拜駙馬都尉隨亮至漢中
建興元年卒時年二十五子攀官至行護軍翊武將軍
恪為孫峻所族誅還吳為瑾後

贊曰廣漢張栻有言三代衰五伯起而功利之說盈天下

謀國者不復知正義明道之為貴亮當漢祚之季乃能
執其機而用之其言曰漢賊不兩立臣鞠躬盡力死而後
已嗚呼此夏少康四十年經營宗祀而卒以配天之本
心也若亮者可謂有正大之體矣觀其高卧隆中不求
聞達蓋將終身焉昭烈漢室之胄而三顧之於草廬名
義既正好賢之意又篤安得不以身許之故其君臣相
與一以道義而忘勢受遺之際肝膽相照無纖芥形迹
何其盛也亮之恢復規模先為根本計方建興初務農

訓兵以治國事國事既定北向致討軍旅將發拜表納忠反復曲折專以宮中府中之事為言且陳親賢臣遠小人之義一篇之中三致意焉而其終章尤為切至亮之意抑深且遠矣即其行事而觀之絕姑息之私意本常禮之大公見善若出諸已用人各盡其才至或有罪雖素所禮遇如馬謖且流涕誅之而弗釋也故李平廖立雖被廢放沒齒無怨言蓋其於斯世所欲不存焉身都將相三十年間家無贏餘視天下無一足以動乎

中者其正大之體為如何哉亮之奉嗣君小心恭恪一國之柄舉出其手而人不知其為權彼懷姦稔逆切切窺人宗祀者雨雪見睹而謂亮敵哉至使耕者雜於渭濱輿圖之復已恢恢然在其目中矣天不祚漢妖星告變謂之何哉或謂亮勸昭烈取荊州為不義而不知劉琮既降操則荊州固魏之荊州矣惜昭烈之失此機也或又謂魏延之策恨其不用不知天將昌漢掃除姦逆直餘事耳行險僥倖非其志也嗚呼秦漢以來士狃於

戰國餘習張子房號為傑出者而猶未免雜以伯術若
亮真豪傑之士無文王猶興者使得游於洙泗講學以
終之則其所至又當若何傳稱始亮在隆中以管樂自
許予謂亮王者之佐豈與管樂同在功利之域者哉意
傳者之誤耳栻又言予讀出師表見其所以告嗣君者
一本於正殊非刻核陰謀之說故於手寫申韓等書亦
疑之方亮之一見昭烈也遂定取荆益之計時昭烈未
有駐足之地歷觀諸國獨劉氏不能守荆益是誠天所

資也若昭烈以荆益無忘討賊夫誰敢不服惜其徇小
不恐而妨大計故劉琮可取而不取則亮之策昭烈猶
有不能盡從者也及狼狽而遁雖藉吳之力敗操赤壁
然終迫於吳乃始入蜀以譎計取之予知亮於此蓋亦
有不得已焉耳非草廬所以告昭烈之本意也嗟呼五
伯以來功利之說盈天下如有亮堅守其正不以利鈍
易不共戴天之心庶其可以言王道者雖然亮之於學
為未足故知有所未至也知有未至則心有未盡未能

盡其心則於天下之事不能徧該而一貫之也開國建
后大事也而奉策所立者乃亡國之宗婦以日易月後
世之大事也而冢宰所贊乃因謬之禮且未踰年而改
元此有以見其學之未至歟嗟乎若亮者體正大而能
克之以學吾必謂之三王之佐矣棊篤論君子也其言
云爾

續後漢書卷八